

Surat khabar: Utusan Borneo (Berita Iban)

Hari/Tarikh: 8/9/2013

Muka surat: 10

Tajuk : Dua Blok Rumah Baru UNIMAS Disadang Tembu 2014.

Dua blok rumah baru UNIMAS disadang tembu 2014

KOTA SAMARAHAN:
Tekul suntuk palan endur diau ungkup raban nembiaik Universiti Malaysia Sarawak (UNIMAS) deka teputar manggai ba 2014.

Naib Canselor UNIMAS Prof Dato Dr Mohamad Kadim Suaidi madah pengawa ngaga dua blok rumah baru ti tau endur 6,400 iku nembiaik diau disadang tembu ba tengan taun 2014.

Ku iya, kedua blok nya, Dahlia enggau Raflesia benung ransing digaga diatu lalu disadang tembu entara bulan Februari nyentuk ke Julai 2014.

"Blok Dahlia ke digaga nengah ungkus RM58 juta tau endur urung 3,000 iku nembiaik diau lalu kitai (UNIMAS) deka meli sebuah blok rumah baru (Raflesia) ke diempu Suruhanjaya Perumahan Negara Berhad (SPNB) ke berega RM50 juta.

"Blok Raflesia tau endur urung 3,400 nembiaik diau ke alai perintah Negeri Sarawak bisi nyaup meri RM10 juta," ku iya ba siti aum pengarang berita pengudah ngulu 'Majlis



AUM MEDIA: Kadim (dua ari kanan) bejaku ngagai pemberita seraya didinga (ari kanan) Nur Azman, Fatimah enggau Teo.

Ikrar Pelajar Ambilan September 2013/2014' ti diatur di Arena Gemilang, DeTAR PUTRA ditu, ensana.

Kadim madah, UNIMAS

maya ke diatu semina ulih nyendiak palan endur diaunggagi 8,000 iku nembiaik lalu nya setengah ari penyampau nembiak universiti nya diatu, laluh

diau nyuwa di luar kampus.

Iya nambah, penyampau pelajar UNIMAS diatu udah manggai 15,000 lalu enti kedua blok baru nya tembu, 90

persin tauka 14,000 pelajar UNIMAS deka diau ba dalam kampus.

"Kelimpah ari nya, kitai mega deka nyendiaka per-

engka pengangkut ngagai kedua blok baru nya ngambika mudah endur nembiaik nurun belajar," kuiya seraya ti madah polis perintah netapka 70 persin nembiaik universiti patut diau dalam kampus

Ba kaul ke sama, Kadim madah 3,700 nembiaik baru ngerijister diri nyadi nembiaik UNIMAS ungkus Ambilan September 2013/2014 ke alai ari penyampau nya, 68 persin orang indu lalu laluh 32 persin nembiaik lelaki.

Ser tu, sepenyampau 450 iku orang bisa diberi awak nyereta program Master enggau PHD, tandu iya.

Iya mega madah, UNIMAS diatu bisa 82 iku nembiaik ari 31 buah menua luar ke nyengkaum ari menua Timur Tengah, Afrika, China sereta menua Asia ke bukai.

Ba Ambilan serak tu, dua iku nembiaik nyelai pendiau (OKU), Teo Suat Nie ,21, ari Johor sereta Nur Azman Junaidi, 20, ari kuching di terima masuk.

Teo seiku OKU buta lalu Nur Azman OKU puntul kaki.